



Broj: 03-16-8-1181-15/15
Sarajevo, 4.11.2015.godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: 03-16-8-1181-12/15 od 28.10.2015. u postupku javne nabavke računarske opreme za potrebe Parlamentarne skupštine Bosne i Hercegovine za Lot 3. Printeri, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1181-12/15 od 28.10.2015.godine i Ugovor za nabavku računarske opreme za Lot 3. Printeri, dodjeljuje se izabranom ponuđaču FIXIT d.o.o. Sarajevo, ul. Zaima Šarca 34, 71 000 Sarajevo, IDB 4202048930006, za ponuđenu cijenu od 5.999,73 KM sa PDV-om, kao najbolje ocijenjenom ponuđaču.

II.

(1) Izabrani ponuđač dužan je dostaviti dokaz o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnije ponude, a prema tački 11.10 tenderske dokumentacije za nabavke računarske opreme za potrebe Parlamentarne skupštine Bosne i Hercegovine.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljiv dokaz, Odluka o izboru najpovoljnijeg ponuđača će se poništiti i ugovor dodijeliti drugorangiranom ponuđaču.

III.

Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o nabavci računarske opreme za potrebe Parlamentarne skupštine Bosne i Hercegovine broj: 03-16-8-1181/15 od 14.9 2015.godine. Javna nabavke provedena je putem Otvorenog postupka.

Procijenjena vrijednost javne nabavke je za Lot 3. Printeri je 6.000,00 KM sa uračunatim PDV-om.

Obavještenje o nabavci broj: 166-1-1-4-3-1/15 je objavljeno 23.9.2015.godine na Portalu javnih nabavke i u "Službenom glasniku BiH" broj: 76/15 od 28.9.2015.godine.

Komisija za javne nabavke imenovana je Odlukom Kolegija Sekretarijata broj: 03-34-1-1156/15 od 3.9.2015.godine.

U ostavljenom krajnjem roku, za dostavljanje ponuda pristiglo je pet ponuda i to od strane sljedećih ponuđača:

1. R&S d.o.o. Sarajevo
2. FIXIT d.o.o. Sarajevo
3. EXCLUSIVE d.o.o. Zenica
4. EMADO d.o.o. Sarajevo
5. NETWORK d.o.o. Bijeljina

Komisija za nabavke je izvršila javno otvaranje ponuda i evaluaciju istih o čemu je sastavljen Zapisnik o pregledu i ocjeni ponuda, broj: 03-16-8-1181-12/15 od 28.10.2015. godine.

Zapisnikom je konstatovano slijedeće :

Ponuđač R&S d.o.o. Sarajevo se odbija kao neprihvatljiv jer je ponudio printere Lexmark MX 511 de, servisni interval 60.000 stranica i nije ponudio opciju private print što je suprotno zahtjevima ugovornog organa navedenim u tenderskoj dokumentaciji za nabavku računarske opreme, Obrazac za cijenu ponude za Lot 3. Printeri – Minimalne tehničke karakteristike.

Komisija je utvrdila da ponude ponuđača FIXIT d.o.o. Sarajevo, EXCLUSIVE d.o.o. Zenica, EMADO d.o.o. Sarajevo i NETWORK d.o.o. Bijeljina ispunjavaju formalno pravne, ekonomske i tehničke uslove, odnosno zahtjeve ugovornog organa, te konstatovala da su navedene ponude prihvatljive za ugovorni organ i da mogu biti predmetom vrednovanja shodno utvrđenim kriterijima u Tenderskoj dokumentaciji.

Komisija za javne nabavke je izvršila rangiranje prihvatljivih ponuda prema kriteriju najniže cijene za izbor ponude- Nabavka računarske opreme , Lot 3. Printeri, prema tabeli kako slijedi:

Ponuđač	Ukupna cijena ponude u KM sa uračunatim PDV-om	Rang
FIXIT d.o.o. Sarajevo	5.999,73	1
EMADO d.o.o. Sarajevo	6.107,40	2
NETWORK I d.o.o. Bijeljina	6.690,06	3
EXCLUSIVE d.o.o. Sarajevo,	11.986,58	4

Shodno navedenom, Komisija za javne nabavke je preporučila Kolegiju Sekretarijata (Zapisnik broj: 03-16-8-1181-12/15 od 28.10.2015.godine u prilogu), da u postupku nabavke računarske opreme za Lot 3. Printeri, donese Odluku o dodjeli ugovora ponuđaču FIXIT d.o.o. Sarajevo čija cijena ponude iznosi 5.999,73 KM (slovima: pethiljadadevetstodevedesetdevet i 73/100) sa uračunatim PDV-om.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javne nabavke da ponuđača FIXIT d.o.o. Sarajevo izabere realizaciju javne nabavke računarske opreme u Parlamentarnoj skupštini Bosne i Hercegovine za Lot 3. Printeri, jer je navedeni ponuđač dostavio najnižu cijenu tehnički zadovoljavajuće ponude.

Uzimajući u obzir naprijed navedeno, odlučeno je kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini Bosne i Hercegovine – Kolegiju Sekretarijata, najkasnije u roku od 10 (deset) dana od dana prijema ove odluke.

Dostavljeno:

1. FIXIT d.o.o. Sarajevo, Zaima Šarca 34
2. EMADO d.o.o. Sarajevo, Kemala Kapetanovića bb
3. R&S d.o.o. Sarajevo, Igmanska bb, Vogošča
4. NETWORK d.o.o. Bijeljina, Poručnika Smajića 26
5. EXCLUSIVE d.o.o. Zenica, Podružnica Sarajevo, Kolodvorska 12
6. Sektoru za finansije
7. sekretaru Komisije za nabavke Eldina Smailagić
8. a/a

KOLEGIJ SEKRETARIJATA:

Aida Koristović _____

Bojan Ninković _____

Marin Vukoja _____